

Zastupnik u Skupštini Kantona Sarajevo

Elvis Vreto

Broj: ____/19

Sarajevo, 30.03.2020. godine

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vlada Kantona Sarajevo
Ministrastvo unutrašnjih poslova
Uprava za inspeksijske poslove
Krizni štab /Štab civilne zaštite KS

PREDMET: PITANJE

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, MUP-a, Upravi za inspeksijske poslove, Kriznom štabu/ Štabu civilne zaštite **upućujem nekoliko pitanje i hitno tražim preciznu informaciju o konkretnom načinu postupka provjere, postupku i načinu kažnjavanja sa dnevnim pregledom i poduzetim mjerama u suzbijanju pojave kršenja mjera za osobe kojima je izrečena pisana mjera samoizolacije vezano za pandemiju sa Corona virusom a od 20. marta do danas :**

1. Na koji je način MUP i policijski službenici vrše provjeru navedenih lica i šta poduzimaju nakon što ustanove da osoba ne poštuje izdatu mjeru, tražim odgovor o broju lica za svaki dan pojedinačno od 20. marta kao i odgovor koliko je novih lica, koliko ponavlja ili u kontinuitetu krši mjeru ?

2. Na koji način Uprava za inspeksijske poslove postupa prema navedenim licima, koliko lica je kažnjeno za kršenje navedenih mjera i kojim iznosima, o kojem broju lica se radi za svaki dan pojedinačno od 20. marta do danas, kao i odgovor koliko je novih lica, koliko ponavlja ili u kontinuitetu krši mjeru od navedenog datuma i koje su sankcije izrečene. Kako navedenim licima uručujete prekršajni nalog/e ako nisu ni od strane policijskih službenika zatečeni na prijavljenoj adresi, šta poduzimate ako lice ne primi prekršajni nalog ?

3. Zašto Vlada, Krizni štab i Štab civilne zaštite KS ne postupa po uredbi FBiH i Kriznog štaba FBiH da za navedena lica koja krše mjere preventivno objavljuje javno imena putem Kantonalne Uprave za inspeksijske poslove, kako bi građani bili upozoreni kao i u eventualnim saznanjima pomogli i prijavili takve osobe nadležnim institucijama, to mogu jedino ako znaju o kome se radi ?

O B R A Z L O Ž E N J E:

Kao što možemo da vidimo od kada je uveden policijski sat, prilikom informisanja javnosti stavlja se fokus na broj prekršilaca policijskog sata za koje postoje jasne kaznene odredbe i ipak prekršioc i mogu napraviti manju štetu po pitanju širenja pandemije obzirom da se kreću kada ostali građani miruju tj poštuju policijski sat u svojim domovima i sve pohvale za policijske službenike koji tu mjeru provode.

Sa druge strane već nekoliko dana u drugom planu je informisanje javnosti o kontrolisanju primjene mjera za osobe koje krše izolaciju/samoizolaciju a uz sve najave radikalnijeg načina rješavanja tog problema koji je potencijalno opasniji za širenje virusa jer za takva lica nema saznanja gdje se kreću osim da nisu na adresi koju su prijavili.

Podsjećam da je najavljeno da će takva lica biti privodjena nakon 24.marta jer je donesena uredba od strane FBiH o strožijim kaznama a do tada je postojao vakum sa blagim sankcijama i uredba je bila neophodna zbog pandemije . Broj neodgovornih lica je rastao do donesene uredbе sa 37 na 101, a zatim se konstantno drži i kreće oko broja 50 a kako vidimo jučer je iznosio 59 po informacijama MUP-a.

Ovaj problem sam prepoznao i aktualizirao još 21. marta podnošenjem inicijative da se preventivno javno objavljuju imena lica koja krše mjere, međjutim ni do danas nisam dobio povratnu informaciju o inicijativi, u međuvremenu uredbom od 24. marta FBiH kaznene odredbe su strožije a mjerom Federalni krizni štab da je mogućnost se i imena neodgovornih osoba javno objavljuju od strane Kantonalnih inspeksijskih organa. Koliko vidimo od te najave nema preciznijih informacije koliko je takvih lica sankcionisano i kako, kao ni javne objave imena osim što je poznato da je svaki dan u prosjeku više od 50 takvih osoba i najava o hapšenju i smještanju u poseban objekat za koji se ne zna jeli u funkciji uopšte do danas. A poznata je činjenica da se navedene mjere najviše krše u Kantonu Sarajevo i TK u FBiH.

Dok su na snazi rigorozne mjere za sve druge građane ovi neodgovorni pojedinci su za javnost bukvalno siva zona i latentna opasnost za širenje virusa ili građani nisu na pravi način informisani o poduzetim konkretnim aktivnostima pa shodno tome tražim da mi se hitno dostave odgovori na navedena pitanja koja su upućena meni kao zastupniku od ogromnog broja građana.

S poštovanjem

Elvis Vreto

Zastupnik u Skupštini Kantona Sarajevo